

續修四庫全書

《續修四庫全書》編纂委員會編

續修四庫全書

上海古籍出版社

一三九六・集部・別集類

霜紅龜集四十卷附錄三卷年譜一卷（附錄卷一至年譜卷一）〔清〕傅山撰……………一

梅村家藏藁五十八卷補遺一卷世系一卷年譜四卷〔清〕吳偉業撰……………五五

吳詩集覽二十卷（卷一上至卷九下）〔清〕吳偉業撰 靳榮藩注……………三四一

山陽丁寶銓輯

傳 事畧 祭文

石道人別傳

戴廷杖

石道人眞山者還陽眞人之弟子也父離垢先生母貞髦君孕十二月而生道人先是道人從叔某託朝海比耶造旃檀香佛佛至所費過贏中悔離垢先生告貞髦君貞髦君出所積簪珥資白金請事佛卽夢佛指一臚老修爲比耶曰以是子汝及生道人時見所指比耶來俄而龍起所居屋極雷電大雨道人生而雨止生復不

附一

啼離垢先生出卜過瞽比耶告之故瞽比耶言但向彼道既來何必不啼如所言果啼三歲時離垢先生偶誦心經句問道人道人不覺應聲誦其下句六歲見離垢先生買黃精云服之不死輒出入取嗽不肯復穀食強之乃復穀食七歲使就小學凡所授書傾注如宿通者十五補太青先生小試博士弟子員因小病取讀神僧傳慨然神通非難致事二十試高等廩餼以舉子業不足習遂讀十三經讀諸子諸史至宋史而止因肆力諸方外書會袁山袁公提督學見道人藝以爲是子忠孝人置第一延於三立書院時晉國士三百餘人以道人

爲祭酒而道人讀方外書如故袁公坐某御史誣逮道人伏闕疏辨以奇計出公終不告公故馬太史君常爲作義士傳比之裴瑜魏邵袁公補官泰州約道人游道人方服柏葉辟穀不答公書撫軍蔡公怡雲修三立書院故事復以道人爲祭酒道人雖期集不肯衣紳衣講學書院人怪道人道人善病受道還陽眞人眞人蓋神宗朝兩師賜以印劍紫衣者其神異見高邑趙忠毅公傳歲壬午道人夢上帝議劫給道人單字不可識單尾識高尙字且賜黃冠衲頭心知無功名分遂製冠衲如夢中賜者放榜罷百三十歲長壽比耶賀道人道人曰

附一

二

比耶誣矣吾不中式比耶曰不中故賀道人領之取所製冠衲服之甲申之變竟服之不脫爲眞道士道人傳姓字仁仲一字公他一字青王今年六十七歲矣戴廷杖曰道人世家子時潔時穢以逃於人而畏人稱其家世人或以節義稱道人道人不受曰我方外人不知節義道人習舉子業則讀方外書及爲道人乃復乙儒書而讀之道人喜游每游諸山水勝剎至其門不肯入顰眉謂同游者是有閭有廊有池及花樹是左右向果閭廊池花樹左右向如所度蓋近於宿命通矣道人猶自謂聞道而苦於情重豈眞於情有未忘耶吾惡足

以知之傳其出家慧根乃如此

傳徵君傳

戴夢熊

徵君傅山字青主一字公他別號石道人世爲山西之忻州人祖霖登明嘉靖壬戌進士歷官少參父之謨以明經碩彥衣被學徒山其仲子也少參通籍後寓居太原因隸籍陽曲云山生而穎異讀書十行並下過目輒成誦少參極鍾愛迨長學益該博凡古今典籍諸子百家靡不淹貫工詩賦善古文詞臨池神似二王晉之人重焉且精繪事每搦管寫意各極其妙又以餘力學岐黃術擅醫之名徧山右罔弗知者方山年十四卽受知

附一

三

於文太青先生十六歲於庠爲督學袁山先生深所器重時先生檄取晉士數十人俾讀書三立書院山與焉後袁爲直指誣奏下詔獄山以諸生詣闕訟冤海內因是無不知有傅山其人矣迨袁誣既白出督九江屢遣使召山山終不往甲申歲賊李自成犯闕懷宗殉國山遂棄置青衿爲黃冠侶時而遨遊平定祁汾之閒不則坐深山閱釋典戶外事弗問也性至孝居母貞髦君喪臥苫枕由飲粥不茹蔬者百日友愛諸季先人遺產爲其弟蕩費殆盡無怒也及弟歿遺孤尙幼山撫之不翅己子年三十餘失偶絃不再續康熙戊午舉博學鴻

詞屢辭弗獲抵都門復以老病懇辭未就試乃歸後授中書職銜山不欲違厥初志避居遠村惟以醫術活人登門求方者戶常滿貴賤一視之從不見有倦容里黨嫻戚有緩急視其力而竭其心與人言依於忠孝謀事要於誠義雖足跡不入城市而達官士夫騷人墨客欽其名者率紆道求見冀得一面以爲榮焉所著有性史十三經字區等書行於世戴子曰余始至并州卽聞有石道人云後詞之其人乃知卽爲青主先生豈今世之士哉當其懇辭徵辟余具藍輿欸段力爲勸駕先生眊勉就道而終以疾辭尙志高風介然如石石道人之名

附一

四

信然乎信然乎在昔周黨王霸劉茂王烈名垂漢史今先生似之太原何高士之多也況其託迹山林俗吏罕識其面而顧獨不鄙夷余憶應召之後以長箋見寄疊疊數百言慮其衰老不復能把握也惓惓之意溢於言表亦何幸哉蓋先生之品固不待文而傳抑余雖不文其待先生而傳也耶

徵君傅先生傳

大陵 郭 鉉

徵君初名鼎臣後改山青主其字也明季充太原諸生食廩餼累世仕宦青主無膏粱習奇才絕世酷嗜學博極羣書時稱學海爲文豪放與時服多不合詩詞皆慷慨

慨蒼涼之調不作軟媚語最善臨池草楷篆隸俱造絕頂筆如鐵畫不摹古不逢時隨筆所至或正或側或巨或細或斷或續無不蒼勁自異畫更古雅絕倫一生重氣節以聖賢自命其元配張氏早卒終身不再婚爲文宗袁公繼成所深器重繼咸被御史張孫振誣劾青主出萬餘金糾通省諸生詣闕代白卒脫繼咸罪孫振甲申之變明沒清朝鼎新青主棄數千金腴產令族分取獨挈其子眉隱於城東松莊棄員不應試出仕令眉亦勿習舉子業肆力於古文詩歌並古今法書其學其書與阿父埒青主戴道巾衣朱衣自名朱衣道人師事還

附一

五

陽道人遊游山水任其所往或劾其與南朝明赧帝通下獄嚴訊青主受刑不少屈唯呼關夫子泣勘官憐其義代解乃得出嗣後康熙戊午年開詔舉博學鴻詞當事六科李宗孔劉佩先諸公以青主名薦奉

旨徵聘青主辭不就督撫遣吏迫就道至都中上欲授職青主七日不食復伴癩將絕都諫魏象樞拜疏代懇賜骸骨歸尋卒年八十歲所著有晉人詩兩漢人名韻兩漢地名韻左傳人名韻地名韻傳家帖霜紅龕文集諸傳奇更著奇書藏其稿於山中

傅徵君傳

稻曾筠

傅先生名山字青主一字公他陽曲人祖霖官山東遼海參議父之謨明經授徒號離垢先生山生而穎異讀書十行并下過目輒能成誦年十四督學文太青拔入庠繼文者袁臨侯先生繼咸也一見深器之准食餽橄取讀書三立書院時時以道學相期許山益發憤下帷袁每云山文誠佳恨未脫山林氣耳崇禎丙子繼咸爲直指張孫振誣詆下獄山徒步走千里外伏闕訟冤孫振怒大索山山敝衣藍縷轉徙自匿百折不同繼咸冤得白當是時山義聲聞天下後繼咸官南方數召山山終不往山性至孝父之謨病篤朝夕稽顙於神願以身

附一

六

代旬日父愈人謂孝通神明不異黔婁云執親喪哀毀特甚苦塊水飲不茹蔬果友愛諸季先人遺產弟蕩費強半終身無怨色弟歿撫遺孤過於己子失偶時年二十七子眉甫五齡旁無妾媵誓不復娶於里黨嫺戚竭力贖其緩急爲人分別有讓恭儉下人與人言依於忠孝謀事要於誠實蓋其敦厚義倫根本自然非有強也嘗擇衣草履傲游於平定祁汾間所至有墨痕筆跡工詩賦善古文詞臨池得二王神理該博古今典籍百家諸子靡不淹貫大叩大鳴小叩小鳴復自託繪事寫意曲盡其妙精岐黃術達於脈理而時通以儒義不拘拘

於叔和丹溪之言踵門求醫者戶常滿貴賤一視之家故饒至是漸益寔安貧樂道泊如也屋舍田園多爲細人竊據概置不問康熙戊午 詔舉博學宏詞廷臣交章薦山山以老病辭不得入都臥病旅邸滿漢王公九卿賢士大夫逮馬醫夏畦市井細民莫不重山行義就見者羅溢其門子肩送迎常不及山但敬倚榻上言衰老不可爲禮諸貴人益以此重山弗之怪也明年三月吏部驗病入告奉

旨傳山文學素著念其年邁特授內閣中書著地方官存問遂放歸歸愈淡泊自甘僻居遠邨不入城府然欽

附一

七

其名者益衆率紆道往見冀得一面爲榮又六年卒遠近會葬者數千百人其所著有性史十三經字區周易偶釋周禮音辨條春秋人名韻地名韻兩漢人名韻等書

嵇禮齋曰昔者嘗怪先生值堯舜之世篤志高尚懇辭徵辟何其果也及讀漢史見周黨王霸之爲人乃知士各有志先生蓋有道而隱者也彼誠見夫有明末季上下交征利卒滅亡於寇盜之手固已心寄夫長林豐草矣寧復以青紫爲榮邪

傅先生山傳

劉紹攸

先生姓傅氏名山又名眞山字青主又字僑山山西陽曲人明諸生與孫傳庭同學勝國末學使者以廉直忤當事被逮繫獄先生詣闕訟冤事白義聲動天下歸謝人事坐一室左右圖書徜徉其中終年不出亦不事生產家素饒以此中落四方賢士大夫足相錯於其門或遭之錢則怫然怒必力絕之雖疏水不繼而嘯詠自如康熙十八年 詔舉博學鴻詞大臣連章薦辭不就當事必欲致之檄邑長踵門促上道不得已行比廷試有日稱病臥牀蓐不與試例不授官然

上特重先生命賜秩部擬正字

附一

八

上薄之特與內閣中書以歸自大中丞以下咸造廬請謁握手言歡而先生自稱曰民冬夏著一布衣帽以氈或曰君非舍人乎不應也好爲詩歌行世者特其一二尙有數十卷藏於家善丹青蕭散多古意書法宗王右軍得其神似趙秋谷推爲當代第一時人寶貴得片紙爭相購先生亦自愛惜不易爲人寫不得已多爲狂草非所好也惟太原段帖乃其得意之筆母喪貴官致賻作數行謝貴者喜曰此一字千金也吾求之三年矣其實重如此性厭紛華交偏天下而避居僻壤時與村農野叟登東臯坐樹下話桑麻或有疾病稍出其技輒應

手效一婦妬疑夫外遇忽患腹痛展轉地上其夫求先生令持微瓦舂置婦榻前搗干杵服之立止一老人痰湧喉間氣不得出入其家具棺待殮先生診之曰不死令搗蒜汁灌之吐痰數升而甦凡沈疴遇先生無不瘳用藥不依方書多意爲之每以一二味取驗有苦勞瘵者教之胎息不三月而愈年八十餘卒無能傳其術至今晉人稱先生皆曰仙醫子壽髦亦精書法

九晚子曰余嘗令晉陽見先生碑版好爲佛語而故老往往述先生高風流連不能去諸懷後至陽曲游南方院尤多遺蹟士人云先生終歲臥此讀佛書嗚呼其

信然耶抑有所託而逃耶

陽曲傅先生事畧

全祖望

朱衣道人者陽曲傅山先生也初字青竹尋改字青主或別署曰公之佗亦曰石道人又字喬廬家世以學行師表晉中先生六歲啖黃精不樂穀食強之乃復食少讀書過目成誦性任俠見天下且喪亂諸號爲薦紳先生者多腐惡不足道憤之乃堅苦持氣節不肯少與時婢娶提學袁公繼咸爲巡按張孫振所誣孫振故奄黨也先生約同學曹良直等詣廩使三上書訟之不得達乃伏闕陳情時撫軍吳公姓亦直袁竟得雪而先生以

附十

九

附一

十

是名聞天下馬文忠世奇爲作傳以爲裴瑜魏劭復出已而曹公任在兵科貽之書曰諫官當言天下第一等事以不負故人之期曹公瞿然卽疏劾首輔宜興及駱錦衣養性直聲大振先生少長晉中得其山川雄深之氣思以濟世自見而不屑爲空言蔡忠襄撫晉時冠已亟講學於三立書院亦及軍政軍器之屬先生往聽之曰迂哉蔡公之言非可以起而行者也甲申夢天帝賜之黃冠乃衣朱衣居土穴以養母次年袁公自九江羈於燕邸以難中詩貽先生曰晉士惟門下知我最深蓋棺不遠斷不敢負知己使異日羞稱友生也先生得書慟哭曰公平山亦安敢負公哉甲午以連染遭刑戮抗詞不屈絕粒九日幾死門人有以奇計救之者得免然先生深自咤恨以爲不如死之爲愈而其仰視天俯畫地者並未嘗一日止凡如是者二十年天下大定自是始以黃冠自放稍稍出土穴與客接然間有問學者則曰老夫學莊列者也於此間諸仁義事實羞道之卽強言之亦不工又雅不喜歐公以後之文曰是所謂江南之文也平定張際者亦逸民也以不謹得疾死先生撫尸哭之曰今日之醢酒婦人以求必死者有幾人哉嗚乎張生是與沙場之痛等也又自歎曰鸞強躍駿之

骨而以估畢朽之是則埋吾血千年而碧不可滅者矣或強以宋諸儒之學問則曰必不得已吾取同甫先生工書自大小篆隸以下無不精兼工畫嘗自論其書曰弱冠學晉唐人楷法皆不能肖一得趙松雪香光墨蹟愛其圓轉流麗稍臨之遂亂真矣既乃愧之曰是如學正人君子每覺觚稜難近降與匪人游不覺其日親松雪曷嘗不學右軍而結果淺俗至類駒王之無骨心術壞而手隨之也於是復學顏太師因語人學書之法盍拙毋巧盍醜毋媚盍支離毋輕滑盍直率毋安排君子以爲先生非止於書也先生既絕世事而家傳故有禁

附一

十一

方乃資以自活其子曰眉字壽毛能養志每日樵於山中置書擔上休擔則取書讀之中州有吏部郎者故名士訪先生問郎君安在先生曰少需之且至矣俄有負薪而歸者先生呼曰孺子來前肅客吏部頗驚抵暮先生令伴客寢則與敘中州之文獻滔滔不置吏部或不能盡知也詰朝謝先生曰吾甚慙於郎君先生故喜苦酒自稱老蘗禪眉乃自稱曰小蘗禪每出游眉與子共挽車暮宿逆旅仍篝燈課讀經史騷選諸書詰旦必成誦始行否則予杖故先生之家學大河以北莫能窺其藩者嘗批歐公集古錄曰吾今乃知此老眞不讀書也

附一

十二

戊午 天子有大科之命給事中李宗孔劉沛先以先生薦時先生年七十有四稱疾固辭有司不可令役夫昇其牀以行既至 京師三十里以死拒不入城益都馮公首過之公卿畢至先生臥牀不具迎送禮蔚州魏公乃以其老病上聞 詔免試許放還山時徵士中報罷而年老者 恩賜以官益都密請以先生與杜徵君紫峯雖皆未豫試然人望也 特加中書舍人以寵之益都謂先生曰 恩命出自格外雖病其爲我強入一謝先生不可益都令其賓客百輩說之遂稱疾篤乃強使人昇以入望見 午門淚潄潄下益都強掖之使謝則仆於地蔚州進曰止止是卽謝矣次日遽歸大學士以下皆出城送之先生歎曰自今以還其脫然無累哉既而又曰後世或妄以劉因輩賢我且死不瞑目矣聞者咋舌及卒以朱衣黃冠殮著述之僅傳者曰霜紅龕集十二卷眉之詩亦附焉眉詩名我詩集同邑人張君刻之宜興先生嘗走平定山中爲人視疾失足墮崩崖僕夫驚哭曰死矣先生旁皇四顧見有風峪甚深中通天光一百二十六石柱林立則高齊所書佛經也摩挲視之終日而出欣然忘食蓋其嗜奇如此惟顧亭林之稱先生曰蕭然物外自得天機予則以爲是特先生晚

年之蹤跡而尚非其眞性所在卓爾堪曰青主蓋時時懷程義之志者可謂知先生者矣吾友周君景柱守太原以先生之行述請乃作事畧一篇致之使上之史館云

傅山傳

忻州志

傅山字青主別號石道人霖之孫明經之謨之子幼穎異讀書十行並下古今典籍諸子百家靡不淹貫尤長於詩古文詞字法得二王之妙兼工繪事遂脈理性至孝友年十六爲諸生受知於學使袁袁山先生後袁爲直指誣奏詔下獄山乃赴關伸寃天下義之甲申之變

附一

十三

遂棄青衿游行大江以南數年而返焚其著作日以醫道活人神奇變化洩素問之祕嘗習靜於州之文昌祠迨康熙戊午舉博學鴻詞以老病懇辭復授中書職銜不受海內士大夫至晉者咸慕其丰采冀得一面以爲榮有購得其書畫者片紙隻字珍若拱璧焉從祀三立祠子眉博問強識亦奇士也案先生世籍忻州母貞耄君陳氏娶亦陳氏皆州之陳村名族先生雖生於陽曲而徜徉寄跡恆在於忻不忘本也昔王績本龍門人其五世祖自太原往至績則親族幾盡而後之脩太原郡志者猶錄東皋子傳況忻爲先生桑梓往來之地其田

賦猶存乎舊志偶遺今急登諸人物以樹忠烈之望云

徵君事實

陽曲縣志

卷十五
文徵上

徵君諱山字青主號公佗世爲山西太原人六世祖天錫以春秋明經爲臨泉王府教授始徙居太原忻州會祖朝宣宣化王府儀賓承務郎正德十五年寓居太原祖霖登明嘉靖壬戌科進士歷官山東遼海參議朝議大夫父之謨明經養親不仕號離垢先生徵君年十四受知督學文太青先生諱翔鳳陝西三原縣人官至光祿卿十六食餼爲督學袁臨侯先生器重檄取讀書三立書院甲申遭亂棄青衿游方外號石道人康熙二十三年六月十二日

附一

十四

卒享壽七十九歲徵君性至孝天啟甲子父病劇醫藥罔效徵君躬禱順城關文昌廟蒙帝君賜藥紅黑十粒灌之卽愈載祈藥靈應記其後父沒哀毀骨立內外感動至順治辛丑居母喪臥苦枕塊不苟蔬者百日及葬四方來會送數千餘人

祭傅青主先生文

康熙二十四年乙丑三月辛酉朔魏象樞陳廷敬蔣宏道田喜霽馮雲驢王公維梁欽構任之琦楊嘉李振藻張茂生龐太械白靜修韓銓高聯璧狄蔚起趙驄李若沅周世俊學誠李旭升謹以清酌庶饌香楮之儀致

莫於青翁傅老先生之靈曰慨古風之綿邈兮競縈志於風塵幽谷聞其無人兮孰避世而全真惟先生振其芳躅兮追往古之逸民穎質秉自童年兮邁終賈而稱神長則博通羣籍兮悉瑯環宛委之遺文不矜才任俠而自雄兮祇束修無玷佩幽蘭以自紉入棘闈而應制兮未嘗不志在乎經綸奈封侯之無骨兮兼奇語之驚人主司目迷五色兮逢夜光寶璐而生嘆遂寄情於米芾雲山李冰篆籀甘晦迹而自淪視軒冕如錙銖兮席道德爲可珍雄皋比而談經兮若象山之論道於鹿洞文中之講學於龍門至 聖朝張八綱以求賢兮下徵

附一

五

聘之蒲輪伏北闕而獻賦兮皆海內文學之彬彬先生獨高尚其志兮結巢許以爲鄰叩九閭而入兮稱疾高臥於荒園 詔許歸山兮惟徜徉于姑射之嶺大河之瀕研精味道兮煥霜筆於秋雯旁通于竺書道筌兮要以闡正學而息羣紛教養子孫欣欣于谷口兮幾忘食其糲而衣其鶉謂仁德之必壽兮延修齡於大椿詎意月犯少微兮竟傳巖之逢屯儒林慟失其師表兮四方聞訃而含顰古來富貴磨滅兮惟三立爲不湮中郎椽筆碑無慙于有道光祿鴻章諫克稱于徵君嗟金石之可泐惟茲清風峻節閱千載其常新樞等誼關桑梓情

切親仁藉白茅而陳席薦絮酒之微忱歌楚些而招魂兮冀靈其降鑒而來臨尙饗

又

青主先生從都門放歸而卒大陵郭鉉弔之以文曰嗚呼先生豈山林之人哉方明社既屋 興朝之鼎新也當日縉紳咸思攀龍附鳳以邀一日之榮而先生以布衣重節義如耶山輕富貴若浮雲獨託身方外避世以全其真如松如筠爲 清徵士不冠不履爲明逸民首陽之薇可並採商山之芝可偕吟取義舍生希慷慨於枋得 鄭崑瑛曰先生的 安貧樂道勝徵聘於劉因故雲

附一

六

籬山屏天帷地席先生宅也攜琴策蹇揮塵杖鳩先生游也晨露摘花澗泉啜茗先生飲也山美採盤水鮮釣饌先生飯也清風入帷明月在牖先生友也學追姚姒文逮莊列先生業也義薄雲霄忠貫月日先生德也氣塞天地名滿宇宙先生壽也嗚乎誰敘長樂老誰構美新文明代養士三百餘載獨先生爲中流砥柱庶名教藉以常伸僅目爲楚國狂士漢陰丈人未免擬不於其倫

霜紅龕集附錄一

霜紅龕集附錄二

山陽丁寶銓輯

諸家寄贈輓悼懷仰詩什

鐵城寄傅青主

附札二首

宜春袁繼咸

袁山

獨子同憂患於今乃別離乾坤留古道生死見心知貫
械還餘草傳燈不以詩悠悠千載業努力慰相思

江州求死不得至今只得爲其從容者聞黃冠入山

養母甚善甚善此時不可一步出山也有詩一冊付曲

沃錫斑屬致門下藏之山中矣可到未

乙酉冬季劉霽日錫

挺卽衛周祚

附二

前詩到未若未到門下不可往取可屬西河曹孝廉

碩公緩頰取之必藏之門下所目今著經觀史觀二

書經觀薄就矣史觀尙未竟不知能終竟此業否晉

士惟門下知我甚深不遠蓋棺斷不敢負門下之知

使異日羞稱袁繼咸爲友生也

丙戌秋初

獄中和青主

忻州張天斗

自入并州獄何會窺夜天徒憐秋色好忍負月華圓夢

遠驚魂斷更長飲恨偏勞勞人不寐囚火對愁眠

喜青主出獄

太原李中馥

鳳石

浩氣如虹貫碧空一從家破走西東離鄉不欲干親友

到處相逢可主翁自勘已無半字活延平猶有幾分公
只今留得英雄骨早晚持筆學伴鐘

寄呈青翁先生兼博郢和

丙辰三月

范陽杜樾

君異

論交白首幾津梁天半霞紅古晉陽詭到衣冠庸愛癖
杯于歌笑任疑狂啄非鸚鵡不爲鳳和止鶴陰俱輟鳳
聞氣古今誰目我

哀嗣壽毛

傳家露布是文章

奉贈青翁先生兼博郢和

己未三月

杜樾

有懷逾廿載俠骨竟何如鸞嘯峰頭近科書病榻餘修
蒲從道路小草詎扶疏祇看宮雲裏經年掩佛廬

幾日柴車發頗遭官長欺名成辭翰藻品著易嶸崎豈

附二

有黃州耗而來白足疑

西僧傳異耗來看

金鞭填鳳闕爭怪覓

支頤

奉贈徵君傅青主先生二首

駢邑馮溥

僧廬高臥穩令節客情孤祝噎遲鳩杖乞言尙

寢興惟子問湯藥倩人扶慙愧平津閣留賓事有無

大隱樂林泉鶴鳴徹九天上庠虞氏典稽古漢庭賢孤

潔留高義淒涼動世憐衰遲吾未去惆悵詠斯篇

奉送徵君傅青主先生還里

二首

函谷青牛得繫無徒瞻紫氣滿

皇都

雍中簾業遲更

老殿上夔龍問楷模誰識承匡仍絳縣多應金粟待文

殊于今好倩丹青筆爲寫淵明栗里圖

病絲豈藉世情醫高詠難堪繼五噫歲餘欲留香積供
文成不讓漆園奇星能犯座還稱客雲可怡人自有詩
驥背春風歸去穩外臣箕穎拜 恩時

戊午暮秋呈徵君傅老先生 崑山葉奕苞 九來

一代崇名節全家學隱淪無求冥寵辱達識任亨屯原
憲曾非病顏淵竟樂貧章編嚴筆削版築蘊經綸生入
襄陽傳居同潁水濱早宜束帛賁爭上薦剡陳公府能
敦迫 朝廷合討論令懸優老禮口遺乞歸人 學士 諸
老皆以先 何事羈方朔猶遲放季真塵揮祗樹月扇幃
生爲念

附二

三

鳳城塵畫卷勤攤背 用龔明之事 含飴笑露斷蓬廬空世網

逆旅敘天倫市滿韓康藥秋殘張翰蓴許誰牀下拜拂
我座中春去應前星客來偕率土臣不才慙附驥既見
憶山榛

乙未暮春再酬徵君傅老先生

不緣公欲去吾意決塵淪鬢向名場改心知骨相屯本
難趨俗好何必歎家貧來豈貪紆綬歸惟把釣綸避喧
非小築板襖遠陽濱愁入張衡賦情違令伯陳乾坤容
客放風雨并誰論蹢躅淹經歲棲遲邁至人鬚眉還太
古譚笑總天真歌豔春初雪衣緇陌上塵觀空門限足

祝噎餽沾斷縱壑悠然逝 時部議上 皇上許 沖霄自
絕倫乍聞脂革轄轉令憶鱸蓴道路榮歸客鶯花綵幕
春 聖朝全一老公論得羣臣無以酬佳句重歌山有
榛

贈傅青主先生

汾州朱之俊 起槍

雲客不慣城市步要入千峰萬峰住嘯聲散作滿林風
鶴語時墜青天露乘興偶來汾水側挈壺懷刺人爭識
一見開懷勝所聞樽前頓長青松色星冠鶴氅何歲始
云經離亂纔爾爾書著一部晉春秋詩紀三年新甲子
滿腔肝膽不盡吐霜夕哦成月卓午兒問題詩贈阿誰

附二

四

太原高士傅青主

訪傅青主于松莊

沛縣閻爾梅 古古

狠孟西南大鹵平汾川直逼太原城山中有客能逃世
海內無人敢好名金石編年藏綠甌漁樵結伴采黃精
晉陽松栢深秋老禿筆煩君畫幾莖 原注狠孟一作狠
孟在太原北俗名

游崇善寺贈傅公他

寶玉之人尋古物飛雲鴻雁兩相撲茫茫四海似無聲
且把長歌代痛哭百萬峯頭一聲嘯西風吹動黃花窺
小五臺遙望松莊處土行藏難可料

席上呈傅徵君

富平李因篤 天生

江海英風老漸疏，菊松高枕送居諸。
野航慣載看山屐，春帖曾無乞米書。
燦燦紫芝存古調，番番黃髮長明車。
冤爰中谷遙迴首，蝴蝶莊生各有初。

得傅徵君信

河汾文獻未全空，蠱上乾初有是公。
不卜同舟瞻郭泰，徒知中論擬王通。
芳期虛訊春來鳥，劇飲猶傳雪後鴻。
他日華門相候處，下車應拜採桑翁。

同傅徵君公他劉明經輿甫米侍御輔之陳公子

端伯家刺史舅飲崇善寺 十首之一

附二

五

傅老耽高尚臨池，早入微僧屢盈翰。
墨壁粉有光輝帝，夢還能否仙源諒。
不違興移杯物遽，原圃竟先歸。

尙友齋詠梅是傅徵君所植者

莫莫高山樹移盆，入畫圖白雲皆自得。
玄豹一相呼濯雪，心恒苦懷春興不孤。
無言酬令德，一氣慰潛夫。

傅徵君書至知六茹先生在太原卽遣相迎

忽有勞人信并州，已歲除傳魚春不達。
立馬意何如作客，關山迴臨邊節序疏。
眼穿圖好晤歧路，莫躊躇。

贈傅處士山

崑山顧炎武 山人

爲問明王夢何時，到傳巖臨風吹短笛。
留雪荷長鏡老

去肱頻折愁深口，自緘相逢江上客。
有淚濕青衫

又酬傅處士次韻

清切頻吹越石笳，窮愁猶駕阮生車。
時當漢臘遺臣祭，義激韓讐舊相家。
陵生哀回夕照，河山垂淚發春花。
相將便是天涯侶，不用虛乘犯斗槎。

愁聽關塞徧吹笳，不見中原有戰車。
三戶已亡熊繹國，一成猶啟少康家。
蒼龍日暮還行雨，老樹春深更著花。
待得漢庭明詔近，五湖同覓釣魚槎。

寄問傅處士土堂山中

向平嘗讀易亦復愛名山，早跨青牛出昏騎。
白鹿還太

附二

六

行之西一遺老，楚國兩龔秦。
四皓春來洞口見，桃花儻許相隨拾芝草。

懷太原傅青渚

永年申涵光 鳬盟

曾約溪村訪釣竿，數年設榻待君歡。
亂離苦憶長朋少，衰病應愁遠道難。
晉國山川容白髮，中原天地此黃冠。
幸將卷帙傳高跡，日向晴窗展畫看。

懷傅青主

楊李曹 溶秋岳

分作三年別，歸禽乃倦飛。
敝廬違朔雪，舉眼盼林扉。
飲酒無年少，藏山屬布衣。
俠腸今在否，大德本知希。

又

西河阻絕雁悠悠頗訝蒲輪入帝州仙仗一辭丹鳳闕
歸裝兼藉赤松游身依五藥常多病世愛三蒼轉自愁
寄語龍池簪筆者特書須表擊奸秋傳于崇禎中以諸生爲學使袁繼成訟寬張孫振因而罷職

留別傅青主

擬扣松莊日一卮斷筵哀角已如斯九州不乏悲秋士
萬古當傳送別詩石泐塞前留淚遠鷗香江杪入羣遲
許攜梵冊凌塵去鵲尾爐煙對汝時青主以所書金剛經贈我

送傅青主恭謁 孔林

筮日辭三晉初無劍佩裝北穿河柳細東眺岱雲長身

附二

七

隱非縫掖心儀特辦香此生歸聖域我道本康莊講席
潢流外絃歌戍館傍琮璫尊禮器竹漆麗天章閱世猶
鳴鐸懸圖豈閑房麟文開五色檜質飽千霜拜起秋方
靜徘徊鬢已蒼山川留著述龍螭悟行藏獨聽珠琴響
深沾俎豆光伊余曾薦藁不學愧升堂擬獲相知素粗
傳避俗方客途重判袂愁緒轉茫茫

答傅青主惠寫荷竹兼懷戴楓仲

濟南王士禎 阮亭

眼中突見質簪谷露壓煙啼萬竿竹下有亭亭菡萏花
大似浹波倦膏沐煙墨淋漓元氣足老筆縱橫破邊幅

臥游真對兩詩翁晉祠流水如碧玉

送周令樹遷太原守兼懷傅處士

秀水朱彝尊 竹垞

五馬西歸日銅符領晉陽川臨潦涖近山轉嶮巖長童
子爭驂祿邦人尙詠棠憑君尋傳叟暇卽過松莊

過大鹵訪傅青主先生時已移居緬然有懷卽書

此寄意四首

河中吳 雯 天章

松莊煙樹十年餘寺路相逢笑下驢今日重來渾不見
白雲深處又移居

發願文成道力該檀波羅蜜興悠哉人間始見瑯琊筆

附二

八

爭買戴山扇子來先生近發願以筆墨作檀施之助人爭購之
伎倆當時豈蝨魚閒情燈火夜窗虛年來萬事如流水
不復潛夫更著書先生小記云向猶復蝨魚伎倆不忘一字之奇今惟朝夕作金粟園

京洛無端迫客塵也知瓊瑤是前身幾時得遂東林約
金粟園中兩道人

過介休郭有道祠見傅公他隸書中郎舊誄歎美

不已紀以詩

繫馬古槐下槐花石堂偏誰書有道碑古法蛟龍纏其
文中郎舊書亦堪比肩嗟哉濁堂老縱橫照秋煙鴻都

蹟久蕪帷幕留殘鐫夏承誰呵護靈光猶歸然巍巍九
疑頌託跡於神仙此碑妙接武絕響續千年梁鵠鄙不
爲頌籀或後先我來重歎息典型欣目前坐臥欲三日
苦被塵累牽上馬再回首孤鵬方高翥

秋日同葉九來徐勝力馮圃芝訪傳青主先生

秉彜有同好言尋高世士騎驢出國門笑語斜陽裏郭
外風景殊蘆花冒秋水竟到野僧家喜值於陵子吟呻
驚老病語弱不勝齒聞言領耆舊拭目辨鄉里竹竈藥
火溫梧井菊泉駛庭前虛一琴牀下閒雙履羔雁空招
邀兒孫看坐起太息各無言歸塗暮煙紫

附二

九

松村訪傳青主先生

穎川劉體仁 公勇

城外好風日騎驢投谷口雙塔出深松歷村翻在後既
涉石子溪乃望巖間牖柴門過樵牧試問在家否野色
照鬚眉下階笑執手生平良內愧出言猶色忸淚睫述
家門呼兒具杯酒汎愛答夙心所言皆師友移情縱談
諧遂忘風塵久日暮徒依依中心亦何有

其二

朱鳳在丹霄網羅安所施鷺鳥可憐蟲擊搏遭繫羈既
作韉上養低摧復何辭劍翮霜風高側腦望丹霄

其三

成童承家學裁狂復裁狷鄉里耨耨長者白頭足永歎中
年一結綬歸來歲未半卜居鄰嘯臺躬耕蠲憂患仕籍
禁流寓跡逐伐檀散鹿車還入門薄俗安可玩男兒一
失路此身付運轉不憂身後名所憂慧命斷

其四

入隊託詭時口腹還累人乞米擇仁租就我平生親攬
綬增遠興草木近蕭晨所不負行役傾懷拜逸民

其五

庭階似太古鳥雀靜不喧眷此臺上酌更延邛中言皋
橋潛著書於今無一存歲月亦何駛編摩寄所敦微雨

附二

十

侵秋光煙火靄前原傾壺還別去悵望掩柴門

游金粟園逢耕方位思青主先生繼至

香臺聳城阿被砌多芳草策杖凌飛梯懷抱使人好君
自金闕彥如何事幽討勝地洽隱綸游眺出飛鳥逍遙
霞外踪剎那塵緣掃

季通青主位思小陸約游吉祥寺

路轉何年寺松杉壓雁堂犬迎繫馬客僧炷午鐘香野
日明殘碣饑鳥瞰寶牀幽期來近遠數座獨相羊 時子先至

其二

高臥松花落依然獨往心聯翮集短褐登眺起長吟世

外藏名晚杯中弔古深半酣顧童子更爲取囊琴

其三

鐘鼓嚴城接劫灰如未經引泉山半圖磬石枯閒亭畫

黯苔提壁有元人畫光分舍利瓶舍利如黍粒貯玻璃瓶昔止五今化爲八

不因游汗漫深殿妙香局

其四

今日一尊酒幽人許共持探奇存好事步履見襟期老
眼空燕筑長鏡託晉祠放歌愁不樂渺渺動予思

其五

亭午聞山響牆頭螺髻重僧雛行牧牯樵子報分蜂艾

附二

十一

衲沿莎額胡麻就石供宗雷匡阜後何地養疏慵

將至太原有懷青主先生

驅車谿路嚙曲折近青雲恐採遙峰藥鸞聲不可聞黃

冠酬歲月朱鳥薦芳芬末俗生何晚能無幸識君

與比隣孫侍御慎傳隱君青主澤州陳廷敬午庭

西山出屋角峯色共東家牆上頻過酒籬邊數見花嶺

雲連歲晚鄉樹極天涯汾水相思處殘陽幾度斜

雙塔寺雅集詩 吳江潘 未 遂初

出太原郡城東南行可七八里有寺曰永祚雙

塔巍然捎雲礙日見之四十里外浮浮若旌幢

焉其下爲松莊傳隱君青主所居也隱君蘊質

含章知白守黑遜世無悶與天爲徒太守延達

計百周君標拔塵之概結人外之契歲之初吉

率子若登屏騶從挈壺觴躬造於廬爰眺爰游

來集精舍維時晴雪停岡寒冰承雷相與圍爐

命酒講論道德元本山川攀軌依風不知日之

既夕夫潛龍以不見成德居士以高尚著節然

鑿环踰垣君子以爲過峻夫惟通人貞不絕俗

隱君之謂矣若乃親詣干旌以信韋布斯禮也

不絕如綫賴使君存之弗書弗詠後將何觀爰

附二

三

述短章用志良覲

黃農世已遙上士潛巖谷萍葦非我區蟬蛻身不辱王

侯尙其風就見紆軫轂豈爲衡茅榮于焉激頽俗蜉蝣

競朝光世路傷局促軒裳各自媚誰遑問幽獨渺矣中

州彥振衣步高躅降此五馬尊巾車造白屋彼美肥遯

賢孤霞不可掬感激禮意勤欣然裹巾幘是節春始萌

雲氣漲林麓寺門風泠泠浮圖鬱雙矗茗酒淨松筠鬚

眉照冰玉俯仰同所懷斟酌幽趣足僕本止園人澤雉

隨飲啄欣逢式廬美未覺塵網束汾水清鄰鄰可以飲

黃犢何當卜南鄰休爲從所欲